

# La vajassa

Parole di  
M. TANCREDI

Musica di  
A. DAMIANI

*Andante*

Vì si pu-te - vo n'au-ta pa-tro - na ncop-p'a lla ter - ra chiù peggio a-

scià. Sem-p'ar-rag-gia - ta, sem-pe me sto - na; nun te-ne n'on - za de ca-re - tà.

*ff*

Cien - to ser - vi-zie, tut-te mpa-ran-za, sen-za dà tiem-po, vo cum-man-nà.

*pp*

Io sto schiat-ta - ta din-t'a la pan-za, nè la me - sa - ta poz-zo scep-pà. «Si-gnò!» «Di-

spè-rate; che buò da me? Io mo me nca-reco ju-sto de te». «Signò!» «Dispè-rate;

che buò da me? Io mo me nca-re-co ju-sto de te». te».

## LYRICS

2.

«La croce storta da stammatina,  
 «Ngiolè, t'hê fatto» le siente di.  
 «Tutta la ramma de lla cucina  
 «Ancora sporca tiene accussì?  
 «Saglie a null'ora... spicciate, priesto!  
 «Leva sti segge da mmiezo ccà!  
 «Noce de cuollo! scopa, fa' lesto!  
 «Va' tira l'acqua: famme lavà!».  
 «Signò» «Dispèrate: che buò da me?  
 «Io mo me ncareco justo de te».

4.

Li piccerille porto a la scola,  
 Faccio la spesa, torno a sagli.  
 E tanno siente: «I' che mariola!  
 «Chistu lacierto sta tre carli.  
 «Nce manca n'onza: mo tornancillo;  
 «Accatta ll'ache: nun te scurdà.  
 «Sta sfatecata diche ch'io strillo:  
 «Fila; arrecetta; puozze ciuncà».  
 «Signò» «Dispèrate: che buò da me?  
 «Io mo me ncareco justo de te».

3.

«Scioscia stu ffuoco; miette nu fierro;  
 «Le scarpetelle port'a accuncià!  
 «Famme la capa; Ngiolè, mo sferro;  
 «Chiamma ste sarte, nun te ncantà!  
 «Quanta felinie nfaccia a li mmura;  
 «Ngiolè, la porta, vall'a rapì!  
 «Vide ca chiagne la criatura:  
 «Pigliala mbraccio, falla addurmi!».  
 «Signò» «Dispèrate: che buò da me?  
 «Io mo me ncareco justo de te».

5.

Me dice ajere: «Nè, sì sagliuta?  
 «Teneva abbastio folla 'a spiccià.  
 «Quacche surdato l'ha trattenuta...  
 «Mo t'avarria da paccherià».  
 Lle vulea tanno dà la risposta:  
 «Gnernò. Sentite la veretà:  
 «M'ha cummannato la figlia vosta;  
 «La rucherucca so' ghiuta a ffà».  
 «Strilla, dispèrate: che buò da me?  
 «Nun se po rèjere chiù a sta cu te».